



Synfocity = 642

mail us at : mzsynfo@gmail.com; mizoramsynod@gmail.com - Phone - 2314648

6th July, 2017

□ Synod Bookroom Reduction Sale 2017 neih mek a ni

July 3 - 8, 2017 chung hian Synod Bookroom chuan Reduction Sale a nei a, Mizoram puma Synod Bookroom Branch zawng zawng leh Churachanpur-a Synod Bookroomah te neih a ni. Tun tum Reduction Sale-ah hian Synod Bookroom-a lehkhabu zawng zawng, Bible, Kristian Hlabu, Communion thil, Kohhran mamawh chi hrang hrang, Stationery Item zawng zawng leh School Naupang mamawhte 5% - 80% discount-in hralh chhuah a ni. Synod Bookroom Reduction Sale hi a rualin Mizoram pumah Thawhtanni zing dar 9 khan tan a ni a. Lawngtlai chuan Lawngtlai Bialtu Pastor leh Lawngtlai Bookroom Chairman, Rev. R. Lalfakawma'n Pathian hnena hlanin Sale hi a hawng a. Lungleiah chuan Lunglei Bookroom Vice Chairman; Pastor C. Lalduhawma'n Pathian hnena hlanin Sale hi a hawng baw a. Champhaiah chuan Champhai Bookroom Chairman Pastor Lalnunmawia Pachuau-in Pathian hnena hlanin Sale hi a hawng a. Serchhipah Rev. C. Lalrintluanga, Vice Chairman, Serchhip Bookroom Committ leh Serchhip Vengchung Bialtuin Sale hi a hawng baw a, Kolasib ah Rev. R. Lalhmingsanga, Chairman, Kolasib Bookroom Committ leh Diakkawn Bialtuin Pathian hnena hlanin Sale hi a hawng a. Churachanpur-ah chuan Rev. Jerry Zoliansanga, Secretary, Churachanpur Bookroom Committ chuan tawngtainain a hawng baw a ni. Synod Bookroom Reduction Sale hi mipuiin lehkhabu tha leina hun remchangah hmangin an hlut hle thin a. Sorkar Office leh Kohhran leh mimal Library neite pawhin a hlawma lehkhabu leina hunah an lo hmang tawh thin a. Hetiang huna lehkhabu an hralh chhuah thin hi a buatsaihtu, Synod Bookroom lama hotute beisei leh rin ai pawhin a tam thin a ni. Tun dinhmunah Synod Bookroom hian Branch 13 neiin Distribution Centre 32 a enkawl mek a. Lehkhabu item hi 5500 chuang zet an nei tawh a ni.

□ Women Centre-a Puantah zir tur Batch hmasa ber tan a ni

July 5, 2017 chawhnu dar 1:00 khan Women Centre, Phunchawng-a Puan Tah zir tur First Batch leh Puan thui zir tur Third Batch te lawmna hun hman a ni. Zirlai tharte lawmna inkhawm hi Central Kohhran Hmeichhe Chairman Pi K. Lalliantluangin a kaihruai a, Central Kohhran Hmeichhe Secretary Pi H. Lalpianthangin report a pe a. Centre Superintendent Ni. R. Lalrinpui'n Hostel Rules a sawi baw. Kohhran Hmeichhe changtu Executive Secretary Rev. P.C. Pachhunga hnen atangin inlawmna leh fuihna thuchah ngaihtlak a ni a, a duh apiang tan thusawina hun hawn a ni baw. Puan thui leh puan tah hi thla ruk chung zir tur a ni a, tun tumah hian puan thui zir tur mi 40 leh puan tah zir tur mi 10 an awm a ni. Mizoram Presbyterian Kohhran Hmeichhe din champha kum 100 tinna (1904-2004) Centenary Project atan Women Centre din hi kum 2001 Synod Inkhawmpui-in a phalsak a ni a, August 12, 2015 khan hawn a ni. He Centre hi thlarau lama intuaithama (retreat) neihna leh a huhova Pathian pawlna hmun atan te, mi harsate chhawm chhuah nan leh an dinhmun siamna atana thiam thil zirna leh an thlarau nun kaihhruaina hmun tur atan ruahman a ni.

□ Worship Deptt.

July 4 - 6, 2017 chung hian Kawrthah Bialah Khuangvuak Training neih a ni a, hemi hunah hian Pu Lalromawia, Senior Instructor leh Upa Zaithansiana, BEC member te an kal.

□ Trust

July 5, 2017 khan Hnahtial leh Chhiahtlangah Pastor Quarters enfiah leh sak tur enpuiin T.Upa Thangliankhuma, A.E leh Pu Lalramenga Royte, J.E te an kal.

□ Kristian Thalai Pawl

- ♦ July 7 - 9, 2017 chung hian Zamuang Bialah Bial KTP Half Year Meet cum Musical Meet neih a ni dawn a, hemi hun hmanpui tur hian Pu K. Lalruatpua leh Upa Rosangliana, Committee Member te an kal ang.
- ♦ KTP General Conference 2018 Hla Bu-a chuang tur hla thawh duh tan July 17, 2017 thleng Central KTP Office-ah theh luh theih a la ni a. Hla hi eng emaw zat dawn tawh a ni. CKTP Committee chuan Hla Bu kawm (cover) pawh hi member a duh apiang tan design a, theh luh theih a ni. CKTP-in a tha bera a thlan chu a kawm (cover) atan hman a ni ang a, lawmman atan Rs. 2,000/- pek a ni ang. Hla Bu cover design hard copy leh soft copy CKTP Office-ah August thla (2017) chung theh luh theih a ni.
- ♦ Synod Hospital puala KTP Inkhawm tum khat thawhlawm lakkhawm (Rorel Inkhawm 2017 Gen. No.3) leh KTP Inkhawm tum khat thawhlawm Chhawmdawlna puala lakkhawm (Gen. No.4) chu Branch tin ten an remchan anga lakkhawma Bial kaltlangin Central KTP Office-ah July 31, 2017 aia tlai lovah theh luh tur a ni. Hospital Charity leh Chhawmdawlna pual hi a hrang ve vea lakkhawm tur a ni.
- ♦ PCI Executive Committee-in Letterhead inang tlanga hman tur a tih chu KTP bikah chuan tuna Letterhead hman mek, CKTP atanga thawn chhuah chu tihdanglam ngai lovin hman chhunzawm tur a ni (CKTP Facebook Page-ah download theiha dah a ni baw). Synod Executive Committee - SEC 268:36 of 7.6.2017 chuan, PCI Executive Committee-in Letterhead hman tur an tih anga Church Court-in kan hmang hi a taw kan ti a, Kohhran Hmeichhia, KTP leh Department ten an duh anga Letterhead an lo siam hi an zalenna a ni e" tiin a rel a ni.

□ MSSU

July 7 - 9, 2017 chung hian Pastor Bial 4 - Champhai Vengsang, Champhai Kahrawt, Champhai Vengthlang leh Champhai Kanan Bialah te Sunday School Zirtirtu training neih a ni dawn a, hemi hunah hian MSSU Office atang leh MSSU trainer te hetiang hian an kal ang:

1. Champhai Vengsang Bialah - Upa Zohmangaiha, Zemabaw Vengthar
T.Upa R. Lalhmingthanga, Republic Vengthlang
2. Champhai Kahrawt Bialah - Rev. Zoramsanga, MSSU Office
Upa B. Lalhmunliana, Bethlehem Venglai
3. Champhai Vengthlang Bialah - Upa Lalrosanga Kawlni, MSSU Office
Upa Lalhmachhuana, Tuikual North
4. Champhai Kanan Bialah - Pu Lalthanchunga, Bungkawn
Upa Hrilthansanga, Mission Vengthlang

□ Synod Hospital

Dr. K. Lalruatkimi d/o K. Kapzuala (L), Synod Hospital Doctor chuan Diploma in Otolaryngology (ENT), Stanley Medical College, Chennai atangin tha taka zir zovin Synod Hospital-ah a hna a chhunzawm leh tawh a ni.

- ☐ **Prison Ministry**
July 2, 2017 (Pathianni) Khan Central Jail-ah hun an hmang a, Hmeichhe ward-ah Rev. R. Lalvulluaia, i/c Prison Ministry in hun a hmang a, Mipa ward-ah Rev. B. Sangthanga, Executive Secretary in hun a hmang a, Masihi Sangati lamah Rev. Sangmuana'n hun a hmang bawk a, mi engemaw zatin an tawiawm a ni.
- ☐ **Campus Ministry**
July 7, 2017 (Zirtawpni) hian Ebenezer Boarding School, Zemabawk ah hun an hmang ang a, July 11, 2017 (Thawhlehni) hian AR EII School, Chaltlangah hun an hmang leh ang.
- ☐ **Finance**
July 8 - 9, 2017 chhung hian Chawngtlai Bialah Finance Campaign leh Account Training neih a ni dawn a, hemi hunah hian Rev. P.C Pachhunga, Executive Secretary, Tv. Zaihmingthanga Fanai, Accountant, Upa. P. C. Vanlalrova, O/A leh Upa C. Lalpara te an kal ang.
- ☐ **Kohhran Hmeichhia**
July 8 & 9, 2017 chhung hian East Lungdar Kohhran, Lunglei Chanmari Bial leh Tlabung Zodin Bialah te Leadership Training & Kristian Chhungkaw Campaign neih a ni dawn a, hemi hun hmanpui tur hian Central Kohhran Hmeichhe hruaitute hetiang hian an kal ang:
1. East Lungdar Bial - Pi K. Lalliantluangi, Chairman, Pi Sailuti, Committee Member
Pi F. Lalsangmawii, Committee Member
2. Lunglei Chanmari Bial - Pi Lalmuanzuali, Committee Member, Pi Lalduthangi, Committee Member
Pi Lalthanruai, Committee Member
3. Tlabung Zodin Bial - Pi Denghmingliani, Committee Member, Pi Lalhiapi, Committee Member
Pi Lalsangliani, Committee Member
- ☐ **Synod Literature & Publication Board (SL&PB)**
July 8, 2017 hian Vaivakawn Kohhranah Literature Seminar neih a ni dawn a, hemi hunah hian Rev. Dr. C. Chawngmingliana, Editor, SL&PB leh Upa Prof. R.L. Thanmawia, BEC member te an kal ang.
- ☐ **Synod Mission Board**
♦ July 8 & 9, 2017 hian Biata North Kohhranah Ramthar Campaign neih a ni dawn a, hemi hunah hian T. Upa Lalbiakenga Fanai, Asst. Coordinator leh Pu H. Vanlalchhuanga, Supervisor of Schools te an kal ang.
♦ July 8 & 9, 2017 hian Saitual Chhimveng Kohhranah Ramthar Campaign neih a ni dawn a, hemi hunah hian Pu K. Zothlamuana, Mission Promoter, Pu P.C Vanlalhruaia, Supervisor of Schools leh Pi C. Lalrampari, Joint Editor, Ramthar Chanchinbu te an kal ang.
♦ July 9, 2017 (Pathianni) chawhnu leh zan hian October thlaa Khatla Kohhran in Masihi Sangati Convention a thlen tur inbuatsaihna atan Bial chhunga Kohhran hrang hrangah Pre-Convention Campaign neih a ni dawn a, Milit Samiti member te an kal ang.
- ☐ **Zin**
♦ July 9, 2017 (Pathianni) hian Khamrang Kohhran leh Nazareth Kohhran, Sairang Bialah Political Education Campaign nei turin Rev. B. Sangthanga, Executive Secretary a kal ang.
- ☐ **Revival Deptt**
July 9, 2017 (Pathianni) zan hian Zarkawt Kohhran Biak Inah Synod Revival Ram pum huap Beihpui hawwna neih a ni dawn a, inkhawm hi Rev. Lalramliana Pachuaui, Senior Exe. Secretary in a kaihruai ang a, Kohhran Zaipawl pathum - Electric Veng Kohhran, Chanmari Kohhran leh Zarkawt Kohhran Zaipawl te an zai ang a, an ni bakah hian Mizoram Synod Choir te an zai bawk ang. Synod Moderator Rev. Lalzuihanga hnen atangin Pathian thuchah ngaihthlak a ni ang.
- ☐ **Synod-in chhawmdawlna pe**
Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.
- | S.No | Khua | Pek chhan | Chhungkaw zat | Chhawmdawlna pek zat |
|------|--------------------|-------------|---------------|----------------------|
| 1. | Serchhip Vengchung | Leimin tuar | 2 | Rs. 14,000/- |
| 2. | Suangpuilawn North | Leimin tuar | 1 | Rs. 8,000/- |
| 3. | Rangvamual | Leimin tuar | 1 | Rs. 6,000/- |
| | | | TOTAL | Rs. 28,000/- |
- June 2017 chhunga Synod Endowment Fund atanga Relief pek dan chu hetiang hi a ni:
- | | | | |
|-----------------|--------------|-----------------|-----------------------|
| 1. Kangmei tuar | Rs. 53,000/- | 2. Mi harsa | Rs. 6,000/- |
| 3. Damlo | Rs. 30,000/- | 4. Accident/Thi | Rs. 10,000/- |
| 5. Thlipui tuar | Rs. 51,000/- | 6. Leimin tuar | Rs. 1,98,000/- |
| 7. Tuilian tuar | Rs. 8,000/- | TOTAL | Rs. 3,56,000/- |
- ☐ **Hruaina Eng FM Radio & TV Programme**
♦ **JULY 7, 2017 (FM ZOAWI AIZAWL @ 7:30 P.M.):**
Solo : Amtea - Ka hming a hria, **Zaipawl** : Mizoram Synod Choir - Isu Ka hmangaih che, **Thusawi** : Pu John Lalhruaitluanga - Sunde Sikul thiltum, **Zaipawl** : TBZ Choir - Khawvel hrut chuak ila, **Solo** : Zoramchhani- Chatuanin
♦ **JULY 7, 2017 (FM LUNGLEI @ 7:30 P.M.):**
Solo : Amtea - Ka hming a hria, **Zaipawl** : Mizoram Synod Choir - Isu Ka hmangaih che, **Thusawi** : Pu John Lalhruaitluanga - Sunde Sikul thiltum, **Zaipawl** : TBZ Choir - Khawvel hrut chuak ila, **Solo** : Zoramchhani- Chatuanin
- ☐ **Susamachar Prasaran Programme**
♦ **JULY 9, 2017 (Pathianni) 5:00 pm. :**
Group/Choir/Solo : Durtlang Masihi Sangati - Prabhu, **Group/Choir/Solo** : H. Vanlalringa - He Mere Man, **Sermon** : Zohmingthanga - Yesu Khoye Huo Ka Sahara, **Group/Choir/Solo** : Govt Complex Kohhran - Anugrah Karii, **Group/Choir/Solo** : Chanmari Masihi Sangati - Aaradhana
- ☐ **JULY 9, 2017 (Tv Programme) @ 4:00 - 6:00, 8:00 - 9:00 p.m) :**
Weekly Round Up, Revival Meet 2017, Interview : Rev. P.C. Pachhunga
- ☐ **Moderator Programme**
July 9, 2017 Pathianni Chawhnu Tuikhuahtlang Kohhran Mission Veng Bial
July 9, 2017 Pathianni Zan Zarkawt Kohhran Dawrpui Bial